

4 CAROLINA.

5
E C L O G A

I N

D I E M N A T A L E M

W I L L I E L M I N Æ C A R O L I N Æ,

S E R E N I S S I M Æ P R I N C I P I S

W A L L I Æ;

Qui incidit in Calendas Martias,

D. DAVIDI Cambrorum Patrono Sacras.

P A C E,

G E O R G I O M A G N O

I M P E R A N T E,

B R I T A N N I S, E T E U R O P Æ R E S T I T U T A.

*Cui militat Æther,
Et conjurati veniunt ad classica Venti.*

Auctore JOHANNÉ GAGNIER, A. M.

LONDINI: Typis J. Watts, apud P. Du-Noyer in Vico vulgò
dicto *the Strand*, sub signo Erasmi. 1719.


ALTESSE ROYALE

MADAME LA PRINCESSE

FD

GALLIES.

M A D A M



A S O N
A L T E S S E R O Y A L E,
M A D A M E L A P R I N C E S S E
D E
G A L L E S.

M A D A M E,



E *Sujet de la Pièce de Vers, que*
j'ai l'honneur de présenter à VO-
TRE ALTESSE ROYA-
LE, a été proposé au Public par
un Homme d'un mérite distingué,
très zélé pour la Gloire de sa MAJES-
TE, & de toute la Famille Royale: Son prin-
cipal

DEDICACE.

cipal dessein, comme il s'en exprime, a été en cette occasion, de donner une marque de la très profonde Vénération qu'il a pour Vous, MADAME. Il n'a voulu se faire connoître, que sous le nom emprunté de Philo-Musus, c'est à dire, Amateur des Muses, & des belles Lettres, pour faire savoir au Public, qu'il avoit destiné une Somme assés considerable, pour être distribuée en Prix d'Eloquence, & de Poësie, le premier jour du mois de Mars, qui est, MADAME, le jour glorieux de la Naissance de VOTRE ALTESSE ROYALE, & qui, par une rencontre heureuse, se trouve être le jour de St. DAVID, si célèbre parmi les Peuples de la Principauté de GALLES, dont VOTRE ALTESSE ROYALE porte le noble Titre.

Ce généreux Mécénas proposa donc, MADAME, aux Amateurs de l'Eloquence, & de la Poësie, trois sujets pris des Paroles du Cantique Divin que les Anges chantèrent, après
avoir

DEDICACE.

avoir annoncé aux Bergers la Naissance du Sauveur du Monde; Gloire soit à Dieu dans les Lieux très-hauts, Et en Terre Paix; Envers les Hommes bonne Volonté!

Le premier discours, en Prose Latine, devoit traiter des Louanges de Dieu, comme étant le plus grand Devoir des Hommes, & leur principal Interest.

Le second, en Vers Latins, devoit célébrer la Beauté de la PAIX, & tous ses divers Avantages.

Le troisieme, en Prose Angloise, devoit exhorter les Hommes a la Charité Universelle, & à la Bienveillance mutuelle.

Aiant fait choix, MADAME, du Second Sujet, qui est de la PAIX, j'ai composé cette Eclogue, ou Poème Pastoral, dans lequel introduisant des Bergers du País de GALLES, j'ai tâché de remplir ce noble Sujet de la PAIX, telle que sa MAJESTE l'a rendue à ces Roiaumes,

DEDICACE

aumes, & l'a procurée à toute l'Europe, pour la conservation de laquelle, Elle exécute aujourd'hui de si grandes choses, qui lui acquierent à juste Titre le nom de GRAND.

Le Jugement favorable, qu'ont porté de mon Eclogue ceux qui m'ont adjugé le premier Prix de Poësie, me donne la confiance, MADAME, d'apporter aux pieds de VOTRE ALTESSE ROYALE, les Lauriers Poétiques dont ils m'ont honoré, sans aucun egard à la Personne de l'Auteur, qui leur étoit inconnu ; selon les loix qu'ils s'étoient prescrites.

C'est cela seul, MADAME, qui peut excuser la liberté que je prens. Mais cette Bonté extraordinaire, cette Affabilité qui charme tous ceux qui ont l'honneur d'approcher de VOTRE ALTESSE ROYALE, ont heureusement dissipé ma crainte.

Que le Ciel répande continuellement sur vous, MADAME, sur MONSEIGNEUR le PRINCE,

DEDICACE.


*PRINCE, & sur toute votre belle & Royale
Famille, ses plus abondantes, & ses plus préci-
euses Bénédiction. Ce sont les Voeux très ar-
dens de celui, qui ne cessera jamais d'être avec
le plus profond respect,*

MADAME,

DE VOTRE ALTESSE ROYALE,

*Le très-humble, & très-
obéissant Serviteur,*

JEAN GAGNIER, M.A.



OMISSA.

Pag. 6. ante 1. vers. lege *MENALCAS*.

Pag. 21. ante vers. 4. a finè, lege *THYRSIS*.



C A R O L I N A.
E C C L O G A.

Corydon, Melibæus, Thyrsis, Menalcas, Ægon.

C O R R D O N.



HYRSIS adest, Melibœe; venit quoque ab
Urbe Menalcas.

M E L I B O E U S.

Ambo hilares, Corydon: age, nuntia læta reportant.
Nam faustis nuper CAROLINA Augusta Calendis
Annua more suo Natalia festa peregit.

B

C O R R-

CAROLINA.

GORDON.

Quæ nova jam rerum facies! cur tempora Lauro

Cinxistis, viridemque manu gestatis Olivam?

Unde hæc Librorum vobis aurata Supellex?

MELIBŒUS.

Quidquid id est, magnorum agnosco munera Divûm:

Cinguntur Lauro Heroes, pariterque Poetæ.

Pacis Oliva decus: capitique hoc nobile Porrum

Quod geritis, CAMBROS decet, æternûmque decebit.

DAVIDI est Porrum Divo sacra Tessera nostro;

DAPHNIS & hoc gestat. Sed quid Pastoribus, ô tu

Docta Minerva, Libros, operosa volumina mittis?

Arcanum est animis nusquam penetrabile nostris.

Dicite Pastores; neque adhuc venit Hesperus, & jam

Nunc Zephyri adspirant, & mitior aura Favoni.

Ergo onus in molli hoc deponite cespite vestrum,

Mira quidem ante oculos, ea sunt spectacula nostros!

THYRSIS.

Mira, fatebor enim, magis at mirabere, postquam

Dixero quid Dona hæc, quid sacra Volumina factum

Significent. Ergo audite hæc, animisque favete.

MENALCAS.

Incipe, Thyrsi, sequar; nam tu pars magna Triumphî;
 Meque finas tecum partiri Heliconis honores
 Alternos: neque enim ob vilem certavimus hircum.
 Nos majora manent CAROLINÆ pignora magnæ.

THYRSIS.

Huc, Galatea, veni, tuque, ô formosa Lycori;
 Flava Thoe, subfusca Ephyæ, pharetrata Ligea;
 Vosque, omnes teneræ, sylvestria Numina, Nymphæ,
 Huc properate leves: vos imis Naiades undis
 Glaucum efferte caput: vos omnibus excita pagis
 Rustica plebs agri, pueri, innuptæque puellæ:
 Et vos, ô Socii, tuque ipse bipennifer Algon,
 Cum Lycida frondator Ilax, terrorque luporum
 Alphesibœe, veni, & Damon, & dives Iola,
 Et Coryla puer, atque ingens cum falce Palæmon:
 Auribus arrectis omnes consistite circum.
 Fas mihi visa loqui, Musis & Apolline digna
 Nuntia perferimus, magno quoque DAPHNIDE digna.

Splendida jam sese hijugis Aurora serenis
 Extulerat, puroque oriens surgebat Olympo
 Lucifer, & summos spargebat lumine montes.
 Corripio de stramineo mea membra cubili:
 Egrediusque casâ me matutinus agebam,
 Quà cœlo attollit celsas Londonia turres.
 Tityrus interea mihi fidus ovilia pastor
 Servat, & eductas per gramina læta capellas
 Aut agit ad fontem, aut potat fluvialibus undis.
 Longè arcet Maurita lupos, terretque Lycisca
 Latratu; dum grata Urbi fero munera mulctræ,
 Et farra, & ficas ardenti fidere ficus,
 Pomaque præteritæ servata à frigore brumæ.
 Perque viam tenui meditatus arundine musam,
 DAVIDI laudes satago, tibi carmina, DAPHNI,
 DAPHNIDAE in Sylvis revocabilis adsonat Echo:
 Et valles reboant alterno DAPHNIDA cantu.

Jamque propinquabam portis. Simul occupat aures
 Undique lætiæ fremitus; simul undique plausus.
 Quum subitò explosa horrendum Tormenta fragorem

E Turri ingeminant, Thamesinaque littora longè
Exultant sonitu. Credas à sedibus imis
Fundamenta Urbis strepitu convulsa moveri.
Clamore effusi magno per compita cives
Discurrunt. Mediâ è turbâ sese obuius offert
Ægon Cambrorum decus: & tu deinde Menalca.
Ille prior verbis sic nos compellat amicis:

Salvete, o focii, fausto venistis in Urbem
Omine, dum CAROLINÆ agitant Natalia festa.
Hinc subiti plausus, hinc publica gaudia Vulgi.
Sed quid vos tenet attonitos ignobile Vulgus?
Quin agite, & viles humeris deponite merces.
Plectra, tubas, calamos, citharas aptate sonantes.
Vobis festa dies agitur, CAROLINA vocat vos
In partem Pompæ; deerunt nec præmia laudi,
Pastores, mecum ad Jamesina Palatia gressum
Ferte citi, atque ipsi propius succedite Pompæ.
Arreptâque manu trepidum me, teque, Menalca,
Per fora, perque vias, perque intervalla locorum
Cæca trahens, nos tandem ad limina regia sistit.

Illic

Illic ante fores ingens patet Amphitheatrum,
 Alcimedontis opus, mira quod struxerat arte,
 Quale tibi ostentare nefas Sheldonia moles.
 In medio assurgit Solium sublime sub auras
 Ornatu comptum vario, stellisque coruscum.
 Desuper & lato se margine Conopeum
 Expandit gemmis auroque insigne, & utrinque
 Cortinas habili revocabat fibula nodo.
 Plurimus hinc illinc ramus felicitis Olivæ,
 Pacis in augurium Solio capita alta recurvat;
 Totaque barbaricis instrata tapetibus ima
 Floribus innumeris distinguitur Area latè.
 Continuò admissi per curva Sedilia cives
 Circuitu vasto irrumpunt, atque Atria complent.
 Scandunt plurima pars fastigia summa domorum,
 Templorumque apices celsos, & turribus altis
 Consistunt avidi venientem cernere Pompam.

THYRSIS.

Hæc dum miramur taciti, & spectamus hiantes
 Magnificos arcus, operosaque pegmata Molis

Suspiciamus;

Susplicimus; procul ex adversa parte Theatri
En subitò ingenti panduntur murmure valvæ;
Atque intus longè regalia tecta patefcunt.
Hîc primùm video magnâ procedere pompâ
Angligenas Proceres: it Patrum sanctior ordo:
It Matronarum longè pulcherrima turba
Nobilium. Has inter, Charitum ftipante coronâ,
Ipfa triumphali CAROLINA invecta Curuli,
Lauro cincta comas, graditur Phœbeia dextrâ
Sceptra manu gefans, ramum pacalis Olivæ;
Non vultu Divæ abfimilis, cervicibus altis
Et formâ & virtute extans Heroïdas omnes.
Quantus honos! Quali fe Majeftate ferebat!
Illam adventantem faufto clamore falutant;
Unam omnes avidi longè admirantur, & unam
Certatim adfpiciunt, iterumque iterumque tuendo.
Vix credunt oculis; tanta eft reverentia vultûs!
Tantus in ore decôr! Solium confcendit eburnum,
Mille vibrans radios, & amicæ fulgura lucis.

MENALCAS.

Haud procul à Solio dextrâ levâque sedebant,
 Proh! quanti Heroes! Solii tutela decusque,
 GEORGIUS hinc (tibi DAPHNIS) & illinc GEORGIUS alter,
 Et Pater, & Conjux, nuper duo fulmina belli,
 At nunc, ô CAROLINA, tuæ jam Pacis amantes.
 Ille prior, positis, Sceptro, Diademate, & armis,
 Palladiâ ipse sedet frontem redimitus Olivâ,
 Pacificæ haud vanus Pompæ spectator habendus;
 Non rigido Bellonæ incedit in ære, neque Illum
 Hastati circumstant, non horrida Castra:
 Non litui resonant, non classica Martis, at Illi
 Fortior est magna inspirans comes unica Virtus;
 Et satis ipse sua se Majestate tuetur.
 Alter is est, quo nos gaudemus Principe Cambri,
 AUGUSTUS Princeps Augusto nomine dictus.
 Vidimus hunc clavo affixum, puppique sedentem,
 Dum Pater Hannoveram, & Germanica regna revisit,
 Explorare auras omnes, atque arte magistrâ
 ALBIONIS placidam librare per æquora Navem.

Ante

Ante pedes, CAROLINA, tuos tua splendida Proles,
 Per Solii diffusa gradus, tres ordine Natae,
 Quæ Charites referunt numero & candore Sorores,
 Te Matrem agnoscunt risu, & blando ore salutant.
 Tuque, Juventutis Princeps, Spes altera regni,
 FRIDERICE, ô Britonum jamdudum debite Terris:
 O utinam huic Pompæ coràm spectandus adives,
 Tu Matri vultu similis, formâque Sorores
 Egrediâ exæquans; & Avi, Patrisque futurus
 Æmulus, haud impar quondam Virtutibus Heros!

T H Y R S I S.

Confedere omnes, intentique ore filebant.
 Maxima tum Princeps solio sic infit ab alto.
 Angligenæ Proceres, vos nobilis ordo Quiritum;
 Inclyta plebs Britonum; Fergi, Arthuri que nepotes:
 Vos Sacra DAVIDI celebrantes annua CAMBRI.
 (Felici Augurio ME namque in luminis auras
 Gratulor ipsa mihi tam fausto Sidere natam)
 Ore favete omnes; dum PAX viget, & bona Pallas
 Ægide depositâ, post aspera bella Gigantum,
 Cecropiam victrix dilectaque regna revisit,

Quamque ipsa invenit Pacata resumpsit Olivam;
 Ingenuæ redeant, Me Principe, Palladis Artes;
 Divinæ priscos Suadæ instauremus honores;
 Debita sint Phœbo, & Musis sua Præmia per Me.
 Stat Patris exemplo Phœbo, Musisque favere.
 Est mihi consilium, Festo hoc redeunte quotannis,
 Æmula propositis, pulchræ pro laudis amore,
 Pignoribus, doctorum accendere corda virorum.
 Non sunt hæc ludis temeranda Theatra profanis.

Sacri Oratores, quibus est facundia linguæ,
 Romano Eloquio dignis depromite verbis,
 Hymnum, quem CHRISTO nascenti in luminis auras
 Cœtus Angelici cecinere DEO modulantes;
 GLORIA IN EXCELSIS.

Tum deinde, ô Vates, manifesto Numine pleni,
 Istud, ET IN TERRIS PAX, vos describite versu
 Ausonio. Neque tu, ô vernacula Lingua, per Orbem
 ANGLICA tam celebris, meritâ privabere laude;
 Teque Dei ERGA HOMINES BONA concelebranda VOLUNTAS.
 Quis vestrûm numero ex omni præludere tandem
 Incipiat? Laudis quem moverit æmula virtus,

Haud illum officio pigeat certasse priorem.
Præmia quisque feret, Me Judice, digna laboris;
Fulgebit partâ donatus quisque Coronâ.

M E N A L C A S.

Vix ea dicta dedit Princeps; fremere omnia plausu,
Et strepitu ingenti circùm tabulata resultant.
Jamque Oratores, quibus est data copia fandi,
Ordine quisque suo, Latio sermone tonabant,
Inque Dei Laudes magni pleno ore feruntur.

Succedunt docti numerofo examine Vates;
(Antea nam latè volitans jam Fama per Urbes
Sparferat Aufonias celebranda Encænïa P A C I
Auspiciis, CAROLINA, tuis:) videasque canoras
Hos inflare tubas, illos resonantia plectra,
Et cytharas pulsare, alios concentibus aures
Mulcere; ac toto spirantes pectore Phœbum,
Carminè divino super æthera tollere P A C E M.
Scilicet accensi studiis æqualibus omnes
Certant supremos ambire Heliconis honores.

T H Y R S I S.

O tunc qualis eram! Qualem tunc pectore fensi

Carminis ardorem! ô si possem fundere Versus
 Afflato meliore Deo. Vis æthea mentem
 Intus agit. Demens! animo qui talia versans,
 Frustra speravi tantos æquare Marones!

Quum subitò nutu CAROLINA silentia jussit,
 Sceptrum oleæ quatiens, & baccas lene sonantes.
 Cambriadasque vocans roseo sic ore loquuta est:

Vos quoque, Pastores, quibus alto ex æthere lapsi
 Aligerûm cecinere chori bona nuntia PACIS:
 Jam vobis calamos tenues inflare licebit.

MENALCAS.

Adsumus ergò alacres, retinet mora nulla vocatos.
 At prior ante alios conferta per agmina vulgi
 Ægon perrumpit, mediâque exultat arenâ,
 Pastorum Princeps, qui quanquam à DAPHNIDE nuper
 Fulgeat ille novis Titulis & Honoribus auctus,
 Pastoris tamen os habitumque referre volebat.
 Quantus amor Patriæ! De collo fistula pendet.
 Olli nuda regit crudus vestigia pero;
 Et capiti impositus Cambrorum more galerus
 Floribus ornatus variis, Porroque virenti:

Velabat

Velabat latos humeros, villosaque membra,
 Cambra lacerna rigens setoso è vellere capræ.
 Pastorale Pedum quâ dexteritate gerebat!
 Tum sic affatus CAROLINAM hæc incipit Ægon:

ÆGON.

Accipe quæ tibi Ceretico de monte Camcenæ
 Dona ferunt, Oleæ sacram de fronde coronam,
 Et cytharam, & Cambro missos ab Apolline versus,
 Æternùm quos ediscant, repetantque nepotes.
 Accipe quæ calathis nostræ munuscula Nymphæ
 Cambriades mittunt sinceri in pignus amoris,
 Luteolum calthæ florem, casiamque recentem,
 Liliaque, & violas, & purpureos hyacinthos.
 Hæc tua sunt, ad Te redeunt hæc, maxima Princeps.

Si primâ dicam repetens ab origine Cambros,
 Nos Japhetiade à magno gens orta Gomero;
 Nos sumus antiquo Curetum sanguine creti,
 Et Vatum Cybeles, Salios dixere Latini;
 Nos Druidum genus, Heroum qui grandia facta, &
 Gesta Ducum canimus, Belli Pacisque labores.
 Ceretici colles priscum restantur honorem,

Et Druidum saltus, Silluriaque arva tot annos
 Servata, & sævis bellorum infracta procellis.
 Carmine fatidico decantet Cambria P A C E M,
 Quæ semper secura fui, quæcunque paravit
 Vel Saxo, vel Danus atrox, Gallusve superbus,
 Ipsa tot intactam fovit per sæcula P A C E M.
 Illic non litui, non Martis classica possunt
 Æternam placidæ gentis turbare quietem.
 Et metus omnis abest, sed adest sincera voluptas;
 Morum prisca fides, & fraudis nescia virtus.
 Vivite felices, mea gaudia, vivite Cambri.

Promite, Pastores divinæ Encomia P A C I S,
 Quæ non excedant bis centum Carmina; plura
 Nec poscit Princeps, & amant compendia Musæ.

T H Y R S I S.

Tu nimis, ô Ægon, das arcto limite nobis
 Intra bis centum concludere carmina P A C E M,
 Quam non tota simul bis mille Poemata condant.

M E N A L C A S.

Atqui nos etiam hoc penso CAROLINA levavit,
 Ipsa repræsentans decora omnia P A C I S, in unum

Conglomerata locum. Dubitas? Quin tu aspice, Thyrsi,
Ecquid opus verbis? loquitur res ipsa; stupenda
Mirare hæc tot magnarum compendia rerum.

Ecce tibi ante oculos, quâ toto pulchrior Orbe
Nulla fuit, Divæ PACIS versatur Imago!

Dum Solio hoc mediam sese CAROLINA locavit,
Ipsa mihi visa est labi PAX aurea cœlo.

Aspice Palladiâ quos gestat ab arbore ramos,
Quasque virens jucundo incurvat pondere bacca;
Atque has florentes, cerealia munera, aristas.

Cernis ut elatæ fulgur venerabile frontis
Emitat, & radios partes diffundit in omnes?

Quotque modis miti Clementia ludit in ore,
Divinumque afflat pulchræ virtutis amorem?

Ut Tyriâ fulget chlamyde, auroque intertexta;
Eöisque nitens scintillat purpura gemmis?

Talem fingebat PACEM Romana vetustas;
Pinxisse hand aliam formâ voluisset Apelles.

En Solio sublimis, & alta in luce coruscans,
Jam sedet Ansonii Præses veneranda Senatûs;

Et gaudet doctis edicere jura Camœnis.

Ecquis.

Ecquis erit posthac Pindi qui spernat honores?
 Non hîc ~~finis~~ ~~vides~~ ~~sacris~~ ~~in~~ ~~postibus~~ ~~arma~~ ~~age~~
 Perfida, nec debellatorum signa Gigantum.
 Civiles exosa fugit PAX alma Triumphos:
 Quæque furor tulerat, Clementia suppressit arma.
 Quin etiam Procere vel iusti Spicula Martis
 Sponte manu abjiciunt, viridemque insignis Olivæ
 Accipiunt ramum, pulchræ jam PACIS amantes.
 Pro galeâ immiti caput ornat sectile Porrum.
 Et pro loricâ præcingunt pectora Zonæ.
 Otia PACIS amat bellum MARS ipse perosus.
 Hæc facies, hæc est formosæ PACIS Imago.

Æ G O N.

Pergite Cambriades, jam blandæ commoda PACIS
 Pandite, dum ridet facies pulcherrima Coeli;
 Dum jam vere novo læti per gramina flores
 Luxuriantur agris, dumque omnis germinat arbos;
 Dum fugit in rivos placido levis unda susurro;
 Dum circum modulantur aves, & garrula suaves
 Exercent per colla modos, cantuque lacesunt.

M E N A L C A S.

Ergò age, si quid habes, Ægonis iussa capesse.
 Ocyùs alternis iterùm volo cernere tecum
 Versibus, in nullo inferior tibi, Thyrsi, futurus.

T H Y R S I S.

Jungite jam tauros pueri, atque incumbite aratris:
 Turgida mollitæ jam credite Semina glebæ,
 Agricolæ, Cereris quibus est data cura colendæ,
 Dat Mars, dat Bellona locum, positoque flagello,
 Hinc procul, hinc fugit scissâ Discordia pallâ.
 Jam P A X alma colit terras. Te ergò auspice, D A P H N I,
 Nunc reparare licet sævi dispendia belli.

M E N A L C A S.

Falleris, ô Thyrsi; En fatis melioribus uti
 D A P H N I S adhuc dederit, referens Saturnia regna,
 Aureaque antiquæ renovabit sæcula vitæ.
 Terra feret fruges duri sine vomeris usu
 Sponte suâ, nulloque hominum cogente labore.
 Omnis perpetuâ latè florescet aristâ
 Campus, & Hybleo sudabunt melle genistæ;
 Nectareque, & niveo spumabunt flumina lacte.

THYRSIS.

Ludite oves teneras, per pascua currite tauri
Gramineum ad fontem, mollique in cespite prone
Nunc hyemem ridete, lupos ridete capellæ.
Hic nobis dulces Saltus, hic pascua nota
Restituit bonus; O, inquit, modò pascite tauros;
Jam tuti tacitas collo suspendite avenas,
Et defuera diu responsent carmina colles.
Ergò omnes veluti Phœbo, Panique quotannis,
Ordovices festis statuent tibi Sacra diebus.
Cereticisque diu DAPHNI ô cantabere sylvis.

MENALCAS.

Ecce meæ prato capræ funduntur aperto,
Per campos ubi adhuc triplici circumdata fossâ
Rhesi castra Ducis videas, & montibus arces
Merviniæ impositas, subjectaque rura Silurum,
Et liquidos fontes, sylvas, & pascua, & amnes.
Hæc saltu petit abrupti cava scrupea faxi,
Nititur hæc morfu teretes avellere juncos,
Aut salices, humilive rapit virgulta salicti;
Illa jugi residens clivoso in tramite pendet;

Lascivique agni, & molles simul artubus hædi
Cornigeras matres per florida prata sequuntur.

Hanc PACEM ruri, hæc fecit bonus otia DAPHNIS.

Huic quoque Pastores nostri Solemnia solvant,

Et Fauni, & Nymphæ ludant, agitentque Choreas;

Panque, & Hamadryades, & capripedes Satyrisci.

THYRSIS.

Sed majora mihi, mecumque fatere, Menalca,

Versibus evolvenda manent bona munera PACIS.

MENALCAS.

Magna quidem, fateor; sed grandi hæc digna cothurno,
Thyrsi, cave, agresti nimiùm ne fide Camœnæ.

Ante tamen DAPHNIS, quem rustica Musa vocabat,

Nomine sit proprio dictus tibi GEORGIUS ingens,

Cum Duce Cappadocum invicto, quo Præside gaudet,

Et Tutelarem sibi vindicat Anglia Divum,

GEORGIUS Angligenum nunc Rex, & gloria gentis,

Cappadoce, & famâ, & virtutibus altior Heros.

Is sublimis equo, si vera est fama, Draconem,

Monstrum horrendum ingens hastâ confodit: at Ille

Longè aliud Monstrum, quo non truculentior ulla

Pestis & Ira Deum Scoticis sese extulit oris;
 Pernicies Pacis, (cui dira Rebel. Dionomen,) hic ille
 Conterit: & postquam victis Prius ipse pepercit,
 Illum jam superis æquat Clementia Divis.

THEATRIS.

Vix bona Pax Anglis malè tuta ostenderat ora,
 Nec dum compositi belli, armorumque tumultus,
 Ære cavo increpitans Discordia foederis expers
 Spargebat causas odiorum, irasque movebat.
 Sæpe renarrabat, veterum memor illa malorum,
 Nescio quem Hæredem spretum, violataque Jura, &
 Quæ memorare nefas, Musis indigna relatu.
 Hinc odia, hinc inimicitia, insanique furores
 Confusæ plebis, cæcique licentia ferri.

Talis erat Patriæ nimis infelicis Imago.
 GEORGIUS accelerans uno ictu demetit Hydram,
 Seditionis opus. Nec posthac amplius ausa
 Ferre diem lymphata cohors, gelidaque sub Arcto
 Se tegit, è Scoticis nusquam emerfura cavernis.

MEINALGAS.

Ac velut infestum per jugera læta colonus,

Quum

Quum sequitur flammis audax ultricibus anguem;
 Hic si fortè fugâ malè prudens intrat acutas
 Spinarum latebras, aut septa impervia ruris;
 AGRICOLA accelerat, supponit sentibus ignem.
 Continuò spinis crepitantibus ater ad auras
 Erigitur fumus: jam horrendum sibilat anguis,
 Atque intus gyros sese contorquet in omnes:
 Ac tandem exiliens dirum vomit ore venenum,
 Indignantque petit loca foeta palustribus undis.
 GEORGIUS haud aliter premit implacabile Monstrum;
 Conjurata odia, & saevas compescuit iras.

Tum demùm miseris vacuatas civibus urbes
 Accipiens, viduosque suis cultoribus agros,
 Replevit numerum exaequans, augensque priorem,
 Oppidaque ingenti multùm quassata ruinâ
 Prostratisque solo latè moerentia Templis,
 Restituit, primoque dedit splendescere cultu.

O quem Te memorem, GEORGI! quàm fortibus ausis,
 Robore ceu firmo ventorum flamina Quercus;
 Aut Rupes fluctus Scopulo excurrente marinos;
 Sic undas rerum excipiens, & plena periclis.

Multa,

Multa, diu casus Victor superaveris omnes,
 Et profugam tandem revocaris ad otia PACEM.
 Ipsi etiam immeriti PACEM sensere benignam,
 Quos amens furor, & scelorum vesana cupido
 Egit præcipites Patriam subvertere ferro.
 Omnibus indulges veniam, & dum parcere gaudes,
 Parcendo mutas animos, flectisque rebelles.
 Et quos longa dies tenuit caligine merfos
 Mittis carceribus: quos denique conscius error,
 Et legum timor extremas exegit in oras,
 Et patriam fugiendo, alio sub Sole coegit
 Vitam infelicem multos agitare per annos,
 Edictis blandè revocas. Illi agmine longo
 Diversi veniunt de partibus Orbis, & ultrò
 Promissam prò Jure tuo das, Optime, PACEM.
 Quin tua Prædones Pelagi Clementia vicit.
 Undique se portus, sese maria omnia pandunt,
 Barbaricisque onerata opibus tutò Anglica classis,
 Post tot vota redux, nostris allabitur oris.
 Dum fœcunda CERES complet de divite fundo
 Horrea, & immensas concedit prodiga messes;

Effunditque omnes de cornu copia Gazas.

O Fortunati tanto sub Rege Britanni!

M E N A L C A S.

Sed quæ compositis accessit gloria rebus!

Solis ab occasu si spectas, Solis ad ortum,

Sub pedibus jam cuncta vides vertique regique

Arbitrio. Nec tantum jure vocabere, GEORGI.

DEFENSOR FIDELI, PATRIÆ PATER, optime Regum.

Quin etiam OCEANI DOMINATOR, & ARBITER ORBIS,

FUNDATOR PACIS, Romani Cæsaris instar.

Nam nostris postquam votis respondit Olympus,

Per te jam sperant PACEM Borealia Regna.

Tot quoque fessa malis tendit Germania dextram.

Ipse tuo Arbitrio Cæsar sua jura remittit.

Nec Mediatorem PACIS detrectet Iberus,

Quadruplici tandem Sociorum Fœdere victus.

Quin te Turca ferox Christi infensissimus hostis;

Quique tuam olim virtutem est expertus in armis,

Implorans Pacem, (Bello dum fulminat Istrum

EUGENIUS,) tua jam supplex vestigia lambit.

Sic, Duce te, quum reddiderit Deus otia Terris,

Aurea restituent concordēs sæcula Parcæ;
 Pacatus gemino volvetur cardine Mundus,
 Virtutesquæ tuas omnis venerabitur ætas.

Æ G O N.

Vivite felices, mea gaudia, vivite Cambri.
 Hæc satis; Agrestes non displicuere Camœnæ.
 Accipite, ô Socii, grato quæ munera vultu
 Dat CAROLINA suis culto pro carmine Cambris,
 Bina hæc divinæ sacrata volumina Legis.
 Accipite has & Apollineâ de fronde Coronas;
 Hasque manu gestate oleas, Insignia PACIS.
 Addidit ista sui erga vos in pignus amoris.
 Omnia namque prius magni majora tulere
 Præmia, quæ posuit virtuti debita Princeps,
 Vates & Grantâ & Rhedycinâ ab Apolline missi:
 Vatibus emeritis debetur Laurea Phœbi.
 Vivite felices, mea Gaudia, vivite Cambri.

F I N I S.

Jes. Cap. LII. v. 7. Quam pulchri sunt super montes pe-
 des annunciantis, & prædicantis PACEM, annun-
 ciantis BONUM.

